

NY VALOSOAO

Gazety miseho intelo isan-kerinandro
(Talata - Alakamisy - Sabotsy) **VAOVAO**

Fiainan'ny Malagasy 2
Maizina ho an'ny vahoaka fa mazava ho an'ireo mpiara-misaosy

www.gvalosoa.com
gvalosoa@yahoo.com
facebook : gazety valosoa rakoto

Sabotsy 13 marsa 2021 Laharana 1139 Vidiny : 400 Ar

Fandaharana Miara-manonja 2

Hitohy ny alatsinainy 15 martsa ho avy izao



Pr Emmanuel Jacob Tehindrazanarivelo 2

Omeo sehatra amin'ny fahitalavi-pirenena koa ny mpanohitra



Raharaham-pirenena 3

Tsy rariny ny fanagejana ireo gadra politika



Mpamongady mpanefofo 6

Banky ropotra tao anatin'ny fotoana fohy



Zaridaina Antaninarenina 7
Fahombiazana ny Tsenaben'ny Fizahantany andiany faha-2

Miakatra ny mararin'ny coronavirus 5
Ahiana hiverina amin'ny fihibohana isika

Daka kely
Mihambo tsy mila Banky mondialy nareo ry Boaikely nefa nitsofana mozika ny kely azo avy any an !

ANTOKO ADN

Fitondrana tsara tantana no nambara, nefa ny fifidianana tsy mandeha amin'ny laoniny

Mbola tantara mitohy ny zava-niseho teto amin'ny firenena, nisian'ny tsy fahatomombanana tamin'ny fifidianana filohampirenena ny taona 2018, ka nahalany ny filohampirenena ankehitriny. Nalaza tamin'izany moa fa filoha napetraky ny HCC sy ny CENI ny filoha Andry Rajoelina s. Manoloana izany indrindra, na efa 2 taona teo amin'ny fitantanana ny firenena aza ny filoha Rajoelina Andry, dia tsy nipetra-potsiny ny olom-pirenena samihafa, fa mitady ny fomba rehetra hamakiana batsilana zanany ho fantan'ny ny Malagasy. Ny alakamisy teo dia nanatitra antontan-taratasy teny amin'ny fitsarana avo momba ny lalampantenana (HCC) Ambohidahy, ho fangatahana ny fanafoanana ny fifidianana filoham-pirenena natao teto Madagasikara tamin'ny 2018 ny ADM (Association pour le Droit et Développement de Madagascar), izay tarihan'i Fanirisoa Ernaivo, niaraka tamin'ny RMDM sy ny solontenan'ny mpanohitra maromaro. Be loatra ny tsy fahatomombanana toa ny doublon ana karapanondro, lisipifidianana nikorontana tamin'ny fifidianana iny, ka nahatonga azy ireo hametraka ny antontan-taratasy teny amin'ny andrim-panjakana ity. Nilaza Andriamatoa Rodo Razafindrakoto filoha lefitrin'ny ADM, fa tsy mety amin'ny ADM sy ny vahoaka Malagasy ny mahita hoe



fitondram-panjakana mandala ny fanjakana tsara tantana kanefa tsy mandeha amin'ny laoniny ny fikarakarana ny zotram-pifidianana filoham-pirenena sy ny famoahana ny vokam-pifidianana nataon'ny Ceni sy ny Hcc teo aloha. Nisaotra ny antoko tiako i Madagasikara TIM sy ny HVM ny ADN nanome azy ireo ny antontan-taratasy mikasika izany. Ankinina amin'ny HCC vaovao ny fanapahan-kevitra mikasika ny fitoriana, hoy ny fanambarana nataon'ny fikambanana hatrany.

Helisoa

Fandaharana Miara-manonja

Hitohy ny alatsinainy 15 martsa ho avy izao

Marobe ny olompirenena mametraka fanontaniana mikasika ny fandaharana Miara-manonja hoe, nijanona ve sa misy olana indray no toa tsy mandeha ity fandaharana be mpanaraka ity nandritra ny 2 andro izay ? Nanazava ny depiote Hanitra Razafimanantsoa tao amin'ny pejy fesibokiny fa miato noho ny asa fanatsarana ny fifandraisana eo amin'

ny mpiahino sy mpijery ny tambazotran-tserasera ny tompon'andraikitra amin'izao fotoana izao. Manome fotoana ny mpanaraka ny fandaharana kosa ny solombavambahoaka Hanitra Razafimanantsoa fa ny alatsinainy 15 martsa ho avy izao dia hitohy indray ny Miara-manonja.

Helisoa



Hetsiky ny solombavambahoaka TIM

Hiditra amin'ny dingana manaraka hoy Todisoa Andriamampandry

Taorian'ny tatitra nataon'ireo solombavambahoaka TIM teny amin'ny Magro Tanjombato ny sabotsy lasa teo dia nambaran'ny solombavambahoaka voafidy teny amin'ny boriborintany faha-6 eto Antananarivo renivohitra, Todisoa Andriamampandry fa hitohy ny tolonga. Nambarany fa tsy mijanona eo amin'ny tatitra fotsiny ihany fa mila mahafantatra ny vaovao samihafa ny vahoaka malagasy toy ny olana mianjady amin'ny vahoaka malagasy

amin'izao fidangan'ny vidim-piainana izao. Eo ihany koa ny olana samihafa manoloana ny fitantanana ny firenena malagasy, ny resaka pôlitika izay mampefy ny mpitondra ihany no ataony sns...Nanamafy ity solombavambahoaka ity fa tokony miala izay minisitry tsy mahavita azy satria mila mandroso i Madagasikara ary tokony hahatsiaro tena rehefa tsy mahavita azy. Nifontrany fanazavana ihany koa ny fanakantsakanana ny fanehoan-kevitra

sy ny fanakatonana haino aman-jery tsy mifanaraka amin'ny hevitra ny fitondram-panjakana. Nahitsy ity solombavambahoaka ity, fa mila fiovana i Madagasikara ary tanindrazana iraisana ity ka samy tompony ary samy afaka mampanandroso avokoa ny rehetra. Mampatsiahy ny fitondram-panjakana ny tenany mba hijery izay tena mahasoa ny vahoaka malagasy tokoa satria miaina ao anaty fahoriana sy teritery ny vahoaka malagasy anke-

hitriny.

Namana

Pr Emmanuel Jacob Tehindrazanarivelo

Omeo sehatra amin'ny fahitalavi-pirenena koa ny mpanohitra

Vahiny tao amin'ny fandaharana tamin'ny televiziona tsy miankina iray teto an-drenivohitra, tamin'ity herinandro ity, Pasitera Pr Emmanuel Jacob Tehindrazanarivelo, nanome hafatra ny fanjakana sy ny mpanohitra izy nandritra izany. Momba ny fitondrana : omeo sehatra ny mpanohitra, hoy izy ; ary aza manakorontana kosa ianareo mpanohitra raha nitodika tamin'ny fanoherana ny tenany. Nilaza ny Pasitera Pr Emmanuel Jacob Tehindrazanarivelo, fa tokony homena sehatra ny mpanohitra. Nilaza izy nandritra io fandaharana io fa : "aza manidy varavarana ianareo mpitondra. Antsoy ireo mpanohitra hampita hafatra amin'ny vahoaka Malagasy, ka halefaso mivantana amin'ny fahitalavi-

Ny Valosoa sy fakafaka
Fiainan'ny Malagasy : maizina ho an'ny vahoaka fa mazava ho an'ireo mpiara-misaosy

77,4% ny vahoaka malagasy no miaina tanteraka ao anatin'ny fahasahiranana sy ny fahantrana amin'izao fotoana izao. Araka ny antontanisa navoakan'ny banky iraisampirenena ny faran'ny taona 2020 dia mihena ny volan'ny olona miditra isan-tokantrano, mitombo ny olona tsy an'asa., mitombo ny fanenjehana izay heverina fa mitarika fifandrafiana eo amin'ny firenena. Re koa izao tamin'ity herinandro ity fa tafiditra eto amin'ny firenena ny valanaretina coronavirus karazany mahery vaika noho ilay hita teto an-toerana hatramin'izao. Ao anatin'izany, tsy misy hatreto ny mangaraharaha momba izany kanefa mahafaty ao anaty ny iray andro monja. Ny fanampiana avy amin'ireo mpiambon'antoka any ivelany mikasika ny vakisiny dia iavonavonan'ny fitondrana, fa ny CVO foana no ezahiny haroso mba tsy hahafaty antoka ny orinasa Pharmalagasy an'ny akamakama. Tsy misy dikany amin'ity fitondrana Rajoelina ity ny fiainan'ny malagasy, indrindra moa ho an'izay tsy mitovy hevitra aminy, fa dia lasa fahavalo mihitsy. Manjaka ny jadona sy ramatahora, ampiasany ny mpanao lalana, ny mpiaro lalana, ny mpampihatra lalana, ataony fitaovana anafaizana an-dramalagasy. Dia tena tsy manan-tsafidy tokoa ve izy ireo mieritreritra fa manana fahefana, ka manatanteraka baiko an-jambany fotsiny? Miteny ny mpitondra hoe sakano ireo mpanohitra ireo dia manakana, ampitahory ireo dia mampitahotra, gadrao ireo dia managadra, vonoy ireo dia mamono, tifiro ireo dia mitifitra! Maizina hatreto ny fiainan-dramalagasy noho ny asetrin'izao fitondrana izao. Misy mazava kely ihany ho an'ireo misolelaka sy 'mpiaramisaosy' kanefa dia samy eto Madagasikara ihany mivelona ao anaty ny firenena faran' izay mahantra, mialoha ny farany indrindra eran-tany. Soa fa misy ny mpitarika mijoro, mpitarika sahy, mpitarika vonona, tsy mitarain-tana-miepaka na inona midona na inona mihatra hiady sy hitolona mba hanjakan'ny demokrasia sy ny fahamarinana. Efa hiditra dingana vaovao indray izao ny mpanohitra taorian'ny tatitra nanetriketrika sy tontosa soa aman-tsara tamin'ny sabotsy 6 marsa iny. Taonan'ny fahasahiana ity taona 2021 ity ary mila mivondrona ireo olompirenena maniry hiala amin'izao maizina izao, ka hanana fanahy mahery sy mazava hikatsaka ny firenena vanona sy mandroso manomboka izao.

Helisoa



Ny depiote TIM Todisoa voafidy tao amin'ny Boriborintany faha-6.



Pasitera Pr Emmanuel Jacob Tehindrazanarivelo.

pirenena, mba ho hitan'ny vahoaka Malagasy reheatra. Omeo fahafahana, omeo fahalalana ny vahoaka ary ianareo mpanohitra aza mitarika korontana na manimba zavatra. Ankoatra izany, nilaza ity manam-pahaizana olom-

piangonana ity, fa amin'izao fitondrana izao no tena mahantra ny vahoaka Malagasy hatramin'izay, tsy mbola nisy raha tsy tamin'izao ny tena fahasahiranana ny mponina lalina teto hoy izy.

Niaina

Ny Valosoa sy hadihady

29 Martsa 1947 : atao fombafomba fotsiny ny hetsika fahatsiarovana azy ?

Afaka tapa-bolana mahery andro vitsy, dia higa-dona ny andron'ny 29 Martsa. Andro lehibe izay hahatsiarovana ireo mahery fo Malagasy, tia taindravana nitolona ho amin'ny fanafahana ny firenena eo ambany ziogan'ny fanjanahantany frantsay ka hahatonga an'i Madagasikara hiaina ao anaty fahaleovantena. Rà Malagasy maro no niraraka namonto ny tany, tsy nasian'ny mpanjanatany frantsay antra na kely aza; Malagasy maro, aman'hetsiny, no namoy ny ainy sy nitondra takaitra noho ny herisetra sy hetraketraka tao anatin'izany; fiankaviana maro no rava sy very fananana. Tsy ho voakosoka ny lasa ary hipetraka mandrakariva ho tantara ho fantatry ny taranaka fara aman-dimby na dia misy tsy valahara, mitady hanova sy hanamboamboatra izany tantara izany aza.

Namoa-doza teto amin'ny tany sy ny firenena Malagasy ny mpanjanatany sy ny fitondrana frantsay nandritry ny enimpolo taona mahery. Izany fomba ratsiny izany, mbola misy tarazo mandraka ankehitriny, na eo amin'ny fitantanam-panjakana, na eo fomba fisainana, na eo amin'ny tontolom-piainan'ny firenena amin'ny ankapobeny mihitsy. Paik'ady efa noforitana tamin'izany fotoana izany toe-javatra izany ary mbola ezahina hatrany ny hampahomby azy eto amin'ny firenena. Manana ny olony novolavolainy rahateo ireo mpanao politika maloto frantsay nandova ny toetsaina mpanjanatany. Tsy voatery ho any Frantsa akory izy rehetra, fa na eto amin'ny firenena aza dia misy azy. Maro amin'izy ireo no mitana toerana ambony eto na any amina orinasa matanjaka toy ny banky.

Tsy mba noeritretin'ireo mpitolona tamin'ny 1947, fa hisy Malagasy, tomponandraikitra, ho sahy hamoritra toy ny ataon'ny mpanjanatany fehizany, aty aoriana rehefa azo ny fahaleovantena. Azo eritretina ve ny hisian'ireo hahafoy handatsaka ny rany tamin'izany, raha toa ka toy izao ny zava-hisy aty aoriana? Ho vahoaka rotehin'ny fahantrana, ny fahasahiranana lalina, anjakan'ny tsy fandriampahalemana, fa tsy mahavita mamongotra ny asan-jiolahy ireo "mpitandro filaminana"; hisy mpitondra tsy mahalala afa-tsy ny sezany sy ny tombontsoan'ny tenany ary hangoron-karena fotsiny; ny hisian'ny firaisana petsapetsa amin'ny vahiny amin'ny fandrohana ny haren'ity firenena ity ka atao tantely afa-drakotra; ny hikorosofahan'ny toe-tsaina ka atao ambanin-javatra ny soatoavina sy ny hasina tena notandrovin'ny Malagasy fatratra, sns...

Miendrika "fampandriana adrisa" fotsiny, na fandrebi-

rebena ny Malagasy ny fihetsiketsehana be samihafa tanterahina rehefa amin'ny fotoana itsingerenan'io andron'ny 29 Martsa io amin'izao fotoana izao. Ny andron'ny 29 Martsa 1947, 74 taona lasa izay, natao hanilihana ireo zioga sy geja sy fanjakazakana mba-min'ny fampiasan-kery amin'ny vahoaka Malagasy sy ny fambaboana ny harena. Moa tsy mbola hita soritra izany ankehitriny? Mihivingivina ny tena mahita ireo lazaina ho "mpitandro filaminana" mirongo basy sy fitaovom-piadiana mahery vaika miaraka amin'ny fiara mifom-vy manerana ny tanàna rehefa misy vahoaka mikasa hidina an-dalambe. Inona no mampiavaka azy ireo amin'ny mpampandry tany frantsay tao anaty fanjanahantany. Ireto farany izay tsy niahotra nisambo-trà, nanao herisetra, nanagadra ary namono mihitsy aza ny Malagasy sahy nijoro nitsangana nanohitra azy ireo. Inona no mahasamihafa izany amin'ny zavatra hita ankehitriny? Izao aza no tena manahirana ny saina ny mahita sy mieritritra azy satria samy Malagasy no eto, ary ny lehibeny tsy miahotra miteny sy mandrahona amin'ny mpiray tanindrazana aminy ihany mba mikasa haneho hevitra. Nisy fotoana ihany koa anefa, tao anaty fanjanahantany ihany, tamin'ny andron'i Jean Ralaimongo, ka afaka naneho hevitra nidina an-dalambe ny vahoaka Malagasy namakivaky an'Andohan'Analakely sy hatreny amin'ny araben'ny fahaleovantena nihiaka sy niantsoantso fahaleovantena. Ankehitriny tsy azo atao izany. Azo porofoina tsara, ohatra, raha hisy vahoaka Malagasy hidina an-dalambe, hanao fihetsiketsehana be, hiantsoantso ny famerenana ireo Nosy Malagasy bodoin'ny fitondrana frantsay hankeo anoloan'ny Masoivoho frantsay eny Ambatomena. Ny rehetra no tonga dia hiara-hiaiky sy hino, fa ho avy amin'ny angady sy harona ny "mpitandro filaminana Malagasy" miaraka amin'ny fitaovom-piadiana mahery vaika ary handroaka ireo olona ireo na mety hisy fisamborana mihitsy. Inona no fahaleovantena amin'izany? Mbola ao anaty geja ny vahoaka Malagasy sy ny firenena ankehitriny. Moa tsy mitovy tamin'ny 74 taona lasa ve izany? Ny vanim-potoana sy ny tontolo fotsiny no miova. Tsy ho izao mpitondra izao mihitsy sy ireo manam-pahefana ambony miaradia aminy miseho ho mahay no ho sahy hitaky ampahibemaso onitra amin'ny fitondrana frantsay, toy ny nataon'ireo firenena voazanaka sasany. Izay mora voafitaka, voafitaka eny ihany; soa fa misy ny efa mahatsapa na ireo tonga saina ny amin'ny zava-misy marina, ary manomboka mijoro. Anisany ireo niseho tato ho ato.

Sôh'son

UNDD

Nivoaka tamin'ny fahanginany ny antoko

Ahiana ho mafimafy ko-koa ny fiatraikan'ny krizy eto Magasikara raha tsy misy fanapahan-kevitra avy amin'ny mpisehatra politika sy ny hery velona rehetra sanorina firenena vaovao. Io no nisongadina nandritra ny fanambarana nataon'i Andriamatoa Manoro Regis Sekretera Jeneralin'ny antoko Undd (Union National pour le Developpement et la democratie) tetsy amin'ny « Villa Elisabeth » Ivandry ny zoma maraina lasa teo. Nisy ny fanambarana nataon'ity tompon'andriakitra ao amin'ity antoko UNDD ity tamin'izany. Manao antso avo amin'ny filoham-pirenena ny antoko Undd hoy izy mba handray fepetra ho firosoana amin'ny filaminana sy ny fampihavanam-pirenena, Manao antso avo amin'ny antoko politika rehetra ihany koa hanao tongotra miara mamindra



sy soroka miara- milanja hanangana firenena mendrika ho an'ny taranaka faramandimby. Manao antso avo amin'ny herivelona rehetra mba hiara hientana hampijoro Repoblika Malagasy vaovao. Tokony hitsinjara fahefana ao anatin'ny firaisankina ny mpisehatra rehetra ary manainga ny ratsamangaikan'ny Undd manerana an' i Madagasikara mba hijoro sy hanao ezaka amin'ny fanatante-

rahana ny fanapahan-kevitrin'ny antoko. Nanamafy ity sekretera jeneralin'ny Undd ity fa mahatsiaro tena manana andraikitra eto amin'ny firenena ny UNDD, ka hitondra anjara birikiny amin'ny fitadiavana vahaolana hama-hana ny krizy mianjady amin'ny vahoaka. Tokony haravona hoy ny antoko ny fifanandrin'ny olona roa, ka ao anatin'izany ny filoha Andry Rajoelina sy ny filoha Ravalomanana

Marc. Namarana ny fanambarany ny SG Regis Manoro fa ilaina ny manorina fanajakana vanona fa tsy vahaolana ny fanonganam-panjakana. Ankoatra ny fanambarana politika dia nisy ny fampahafantarana ny birao vaovaoon'ny Undd izay ahiana mpikambana miisa 26 tarihin'ny sekretera jeneralny Andriamatoa Manoro Regis.

Franck Razakambelo

**Raharaham-pirenena
Tsy rariny ny fanagejana ireo gadra politika**

Ireo mpitondra nifandimby dia samy manana ny manavanana azy teo amin'ny fanagadrana olona, ny fitondrana notarihan'ny Filoha Ravalomanana dia tsy namela mahazo an'ireo dahalo sy mpanao herisetra isankarazany, tsy nahagaga raha foana tsy nisy intsony ny vaky fasana sy ny halatra taolampaty nandritran'ny fotoana nitondran'ny Filoha Ravalomanana, tsy nisy ny gadra politika tamin'ny fitondrana Ravalomanana fa mpanao politika nigadra no nisy, tsy heloka politika no nampiditra amponja ireo mpanao politika tamin'izany, fa heloka tsotra.

Tamin'ny fitondrana Rajaonarimampianina dia maro ireo nanodikodimbola no nadoboka amponja, misy aza ireo olona noheverina ho akaikin'ny filoha fa tsy nikosomaso tamin'izany ny fitondrana fa tonga dia tsy afomaka toa an'i Razaimondry Claudine. Fa manavanana ny fitondrana tarihindRajoelina ny mampiditra amponja ireo tsy mitovy hevitra politika aminy, nanomboka tamin'ny fitondrana tetezamita toy ny nanjo an'Andriamatoa isany Fetison Rakoto Andriamirina, Zafilahy Stanislas, Tsarahame Edouard sns, tsy azo adinoina ireo mpiasan'ny Radio Fahazavana (mpanao gazety, teknisianina, mpiandraikitra filaminana sns) nisy ny vehivavy sy pasitera tamin'ireo, tsy ireo ihany fa mbola nisy an'ireo manamboninahitra nogadraina noho ny fahasahiany mijoro tamin'ny raharaha Fign sy Bani Ivato.

Ary amin'izao efa filoha voafidy aradalana izao Ingahy Rajoelina dia ireny niarahanahita ireny ny fanagadrana ireo 12 mianadahy mianaka nitondra akanjo mena tamin'ny 20 Febroary 2021 teo Analakely, efa ho telo herinandro no nitazonana azy ireo, kanefa dia tsy mbola navotsotra ihany, tamin'ny afak'omaly dia nisy ny fangatahana fahafahana vonjy maika ho azy ireo, saingy nolavin'ny fitsarana izany.

Samy manandrapeo avokoa ankehitriny na mpitondra fivavahana na mpanao politika, hatramin'ireo malagasy mpilaha ravin'ahitra any ivelany dia samy mitaky ny faolahana tsy misy fepetra an'ireo gadra politika ireo, satria tsy nandroba na namaky trano no nampidoboka azy ireo fa fahasahiana politika nijoro tamin'ny hevitra naharesy lahatra azy ireo, nisy mihitsy aza mpitondra fivavahana toy ny Pasitera Tehindrazanarivelo vaky vava ka nahateny hoe nisy ny voasambotra noho ny akanjo nanaovany.

Amin'ny Talata 06 Aprily 2021 no hiakatra fitsarana izy 12 mianadahy, ny dikan'izany dia manao herinandro masina sy paska any amponja izy ireo, raha tsy misy ny famoahana azy alohan'izany, ary mety efa eritretin'ny fitondrana ho tazonina any amponja dia avoaka amin'ny 3 Mey, andro manerantany ho amin'ny fahalalahan'ny fanehoankevitra, izay tsy voafetra ho an'ny mpampahalala vaovao ihany io andro io fa ho an'ny rehetra maneho hevitra.

Isika eto amin'ny Gazety Ny Valosoa Vaovao dia mahalala tsara fa tsy atoro intsony an'izany hoe manao paska any amponja izany, f'efa teo no niala, ka mahalala ny ngidiny koa miombompeo amin'ireo rehetra mitaky ny famoahana tsy misy fepetra an'ireo voafonja politika voarora tsy maimbo ireo

Ny Valosoa

TOMONKALO

Didy jadona ?

Moa tsy ianareo ihany no avo feo sy nigagana, Ka nampianatra ny atao hoe fanonganam-panjakana ? Nolazainareo fa io no lalana tena tsy azo ihodivirana, Raha tsy mihaino ny mpitondra ka tsy misy ny mangirana.

Dia niteny koa `nareo no sady nanamafy hoe: Tena azo atao dia azo atao ny midina eny an-dalambe, Mba tena ho hitan'ny mpitondra zatra ny mpampandry adrisa, Ny manjo sy maharary ireo vahoaka an-tapitrisa.

Kanjo fe ankehitriny, nony azo ve ny toerana, Dia mivadika ianareo ka sahy mihiaka tsy am-piheverana Fa voarara, tsy azo atao rehefa hetsi-pitakiana, Sady tena tsy andeferana raha vao hoe mba manakiana ?

Iza izany no hanitsy ny hagegena sy hadalana Izay nataonareo mpitondra mba nahazo fahefana ? Sa dia hoe "zay tiako ihany" ny anareo no averimberina, F'efa izao ilay didy jadona tsy azon'iza mba toherina ?

TSIMIMALO (06-03-21)

FITAKIAN'NY MPIANATRA AMBARATONGA AMBONY

Tsy misy valiny raha tsy misy hetsika ?

Tapitra anio ny 24 ora nomen'ireo mpianatra eny amin'ny sekoly polytekinika Vontovorona ireo tompoandraikitra. Voatery manome fe-potoana ve ny mpianatra sy fitakiana lava toy izao vao misy misaina ny momba azy ireo ao anatin'izao fitondrana miseho ho mahay sy babany noho ny hafa nitondra rehetra? Azo lazaina ho izany tokoa ve ny fitondrana tsy mahavaha olana ary tsy mahita vahaolana raha tsy misy fanairana hatrany? Mba tokony hieritreritra lalina sy hamadibadika im-pitony lela ihany ilay manamboninahitra ambony tsy niahotra namaritra sy nambany olona andro vitsivitsy lasa izay vao miteny sao ny fitondrana iasany sy tohanany no toy izany.



drevaka mihitsy anefa ny fitsinjovana azy ireo. Tsy mandeha anefa io fianarana io raha toa ka voatohintohina indrindra fa ny momba ny vatsim-pianarana sy ny kojakoja samihafa ilainy. Zana-bahoaka ireo, ary anisany mba nana tombony ka afaka nandranto fianarana ambony kanefa toy ireny hita maso iharan'ny fepetra hentitra ataon'ny mpitandro filaminana ireny. Nisy mihitsy aza ny namoy ny ainy tany Toamasina ia-

raha-mahalala. Ao anatin'ny fihetsiky ny "mpitandro filaminana", sy ny tompoandraiki-panjakana, tsy hita mihitsy izay fihetsika hanehoany fa mbola tokony tezaina anie ireo mpianatra ireo ho tonga olom-banona hahay hitondra amim-pahamen-drehana ity firenena ity any aoriana. Tsy hita ho manana fahendrena amin'izany koa ireto tompoandraikitra ireto. Efa aman-taonany maro, toy ireny hatrany no mi-

tranga eny amin'ireo Anjerimanontolo eto amin'ny firenena rehefa taraiky ny vatsim-pianarana. Nahoana no tsy novahana izany hatrany amin'ny nandraisana fitondrana? Lazaina ho mahay ihany koa ireo ekipa eo amin'ny mpanatanteraka kanefa mbola mitranga ihany izao manjo ny mpianatra izao. An-tandrevaka na tsy fahaizana mihitsy eo amin'ny fitantanam-pirenena izany.

Radafy

Taratasin'ny mpamaky

Nitsidika ny pejiny ny Minisiteran'ny Mponina aho, noho ny actualité 150M\$ FSS ! Indrisy fa lasa Doma Pub sy Injet sisa ny Minisiteran'ny Mponina ankehitriny. Tsy misy afa-tsy dokam-barotra ho an'i Mialy Rajoelina sy ny association Fitia ao. Tsy misy mahalala izay anaran'ny minisitra amin'izao rahateo. Fa efa mba niatrika négociations tany am-pita ve io Ramatoa io ? Sa manao sonia fotsiny dia avy eo midedaka ? Ary io ve mba ho sahy mikapoka latabatra rehefa mitady hanao fetsifetsy ny vazaha PTF ? Sa manabe takolaka aty Antananarivo fotsiny, variana manao "propagande-n'i Mialy en perma-

nence", fa ny any Atsimo kere ny kere; ny any Majunga, mananika ny Covid; manerana ny Nosy, ny mpianatra koa kere fa tsy voaloha ny bourses; ny mpifindra-monina manomboka miorim-ponenana eny ambany tonelina; ny vahoaka rehetra tsy misy tsy mitaraina... Fa ireo mpitondra sy ny fianakaviany ihany no voky, mameno paosy. Ny mpisolelaka moa dia misolelaka, mitsimpona miettes. Ka izay no ataoko hoe... ampy izay ! Farafaha ratsiny, ajanony ny dedaka fa tsy alehany ianareo ! Hajao ny asan'olona !!!

Mpanarivo GTT la Reunion

Mazotoa mihira

Tsy miova ny hafatra ho antsika mpamaky ny gazety sy mpankafy ny hira, fa ny feony dia natao hakana tsirony ary ny tonony kosa nokendrena hampitraka antsika manoloana ny fanampampahefana mihatra amin'ireo namana, tsy ho kivy isika satria raha nitohy tokoa ny hazo dia tonga tany andanitra ny voalavo.

MISY FARANY

Ny zavatra natomboka rehetra
Dia hifarana hatreo amin' ny fetra
Efa fantatrao, f'izay niandoha
Dia mbola hisy farany koa
Ny mateza dia tsy misy firy
Fa na misy aza, angamba dia kiry

Ny endrika sy ny bika soa
Dia samy ho simba avokoa
Na tanjaka na hery
Dia mihena ary koa mihavery
Satria, raha tonga amin'ny fetra
Dia hifarana toy ny rehetra

Na hira, na ny feo manga
Tsy hisalasalana fa angamba
Rehefa lany ny tsirony mamy
Dia ho adino indray andro any
Embonembona sisa hampitsetra
Hisolo hafa toy ny rehetra

Na rano mandeha eny an'ony
Ireo voninkazo mamony
Ny vorona, mikalokalo
Tsy hitoetra, fa samy handalo
Handao toy ny zava-drehetra
Rehefa tonga ny andro voafetra

Ilay fitiavana mamy aok'izany
Noheverina fa tsy ho lany
Tamin' ny andro, ny volan-tantely
Dia hifarana tsikelikely
Satria angamba izay niandohany
ka tsy maintsy hifarana ihany.

**Mpamorona : Naly Rakotofiringa
Mpihira : Jeanne Naly sy Ludger**



Sakafo Ny Valosoa



Vily saosy indray no laoka amin'ny Sakafo eto amin'ny gazetinao androany. Tsara raha hasiana ro matsatso anana miaraka aminy. Dia mazotoa homana tompoko.

NY VALOSOA sy Mahaso

Fomba natoraly ahafahana mitsabo ny "appendicite"

Fomba natoraly fitsaboana ny « appendicite » indray no Mahaso eto amin'ny gazetinao androany, raha tsy te handalo fandidiana. Izao no atao: maka papay masaka be iray, tantely pur 1/4 litre, na fahefan'ny litatra. Maraina be mbola tsy nisy zavatra ao anaty vavony, esory ny hodiny sy ny voan'ilay papay ary tetehina madinika, ka ataovy amin'ny lovia iray, rehefa madinika dia arotsaho ao daoly ilay tantely. Mety koa raha mixena miaraka izy ireo. Hanina tsy asiana tavela na kely aza. Vokatra: ny ampitson'iny, maka gant tanana ianao, dia mandehana manao maloto (mi-caca) eny ankalamanjana eny. Savasavao ny malotonao (tay/diky), fa ho hitanao ireo vato miaraka amin'ny dikinao. Aorian'izay, mba hanadio azy tanteraka, afaka 3 andro; mitovy amin'ny teo ihany, fa saingy voatabia irery ihany no mixena sotroina. Afaka fotoana fohy dia ho sitrana ny appendicite-nao.



NY VALOSOA sy Mahaliana

Ny tanànan'Andranomeva, any amin'ny distrikan'i Boriziny, faritra Sofia


Ny tanànan'Andranomeva, any amin'ny distrikan'i Boriziny na Port-Bergé, faritra Sofia indray no Mahaliana eto amin'ny gazetinao androany. Renivohitry ny kaominina Andranomeva ity tanàna ity. Any amin'ny faritra afivoany atsimon'ny faritra Sofia no misy azy. Tsy dia avo toerana izy satria 51 m ny haavony miohatra amin'ny ranomasina. Tantsaha mpamboly sy mpiompy ny mpiompy any Andranomeva, vokatra any ny vary, sy ny haninkotrana isan-karazany.



NY TENY FIAINANA

"Raha mitandrana ny didiko hianareo, dia hitoetra amin'ny fitiavako, tahaka ny nitandremako ny didin'ny Raiko sy ny itoerako amin'ny fitiavany."

Jaona 15:10



Fitondrana Rajoelina : mampahantra hono ny mpamatsy vola iraisam-pirenena nefa misambo-bola any ihany izy ireo



Marie Louise Razafindrabe: mampahantra ny mpamatsy vola iraisam-pirenena Banque Mondiale sy FMI hoy ny filoha Rajoelina, nefa dia mahagaga fa mbola mitrosa any ihany ny fitondrana.

Julien Rasoanarivo: nga moa tsy we ampindrana vola an'i Comores ndray? toa mangataka amin'ny Fmi sy ny Banque Mondiale anefa izao. Mpitondra tsy mena-mivadika.

Rosalie Tinh : hazavaiko fa misy dia Draba mintsy le mi-pub. Ny BM dia manampy ireo firenena faran'izay mahantatra eo ho eo amin'ny 3 miliara \$ eo no natokany ho amin'izany ho fitsinjovana ny maha olona na antsoiny hoe: HA na " Humanitarian Aid". Na be kolikoly ny firenena na inona dia tsy maintsy homeny ny vahoaka ao amin'ilay firenena io, ho fitsinjovana ny maha olona. Ka aza badrain'ny olona hoe nahazo famatsiana 150 million de dollars avy amin'ny BM. Tsy hanaovana IEM io, fa resaka sosialy. Mety ny solontenan'izy ireo ao Mada ihany koa no hanaramaso akaiky an'io.

Mpanarivo Rakoto : merci ONITIANA REALY, t@ androny no nahazoana ny 150 millions de dollars ho an'ny fianakaviana sahirana ! Mamantam-bonona tahaka ny mahazatra indray ny sasany dia midedaka. Soa fa nisy ny tahirintsary. Henoy tsara , jereo tsara ny daty rehetra ary zarazarao.

Randrianantenaina Tojosoa : aty ny maso fa mitohy ny fiaraha-miasan'i Madagasikara amin'ny mpamatsy vola sy ny mpiara-miombon'antoka, 150 million de dollars be izao no azo.

Rosalie Tinh : Randrianantenaina Tojosoa : dia miverina amin'ilay propagandy indray za ny hoe" angaha mila mpamatsy vola, fa tsy hoe efa vonona daholo?, na hoe raha ireo no hianteharana, na 50 taona aza tsy handroso." Misy fifanarahana io raha miverina aza: hiakatra ny vidin-jiro, solika sy ppn, sns... Dia hereto ao aloha an!

Mamy Hery Lili Razafimamonjy : mbola maro ny olona tsy mbola mikatona lohamalemy @ty resaka firenena sy ny fifandraisana @ any ivelany . Ireny lay zaza ampanginina @ bonbon mason'omby, lay hoe fahazoana 150

million de dollars io.

Pasardo Manjakamanana : ka ny habadoan'ny vahoaka malagasy io mihintsy, (T3) no hararaotin' ny mpitondra sy ny vitsy an'isa mifehy ity firenena ity, tsy vao izao akory. Courage daholo e! samia miezaka hikatonan'ny lohamaleminy avy.

Arp Helisoa : fitsinjovana ny Malagasy ao anaty fahantrana no resaka eto ry V a!

Xavier Pierrot Andriamahefarivo : tonga dia zarao isa-pokontany @ zay tsy mivily intsony e!

Ny Ando Maherinirina : aide humanitaire nangatahan'i Onitiana Realy io, mba menatra.

Manitra Raz'Afy : ka ilay vola misy, fa mivily lalana rehefa voaray , loza an!

Bryan Win : vatsin'ankohonana io tompoko, zay tapaka tsy fantatra hoe ahoana dia io izy naverin'ny mpamatsy vola io indray noho ny hamehana , d aza mapme ry V mpomba ny fitondrana a!

Jacky Rabesaiky : ny iray (miara-manonja) misintona mba hiboridana ny iray kosa miezaka ny manakona mba tsy hitanjaka (ny fitondrana).

Rakou't Fethy : fantatry ny mpamatsy vola ny zava-miseho rehetra eto, tena marina, ary izany no mbola mandrisika azy ireo hanome fanampiana hatrany, fa raha ratsy tantana ny teo aloha, aza manantena hahazo izany koa! Mihidy ny robinet.

Zefa Ramalagasy : Rakou't Fethy : aza matahotra fa ho avy ny mana, ho mana mana daholo amzay, asa raha fantatra-reo fa zara raha misy tonga amin vahoaka ny fanampiana, fa ny Trano azon-dRajoelina any Suisse, ny immeuble any Dubai, jet privé, ny Écolage 150 000 €, moa miettes raha oharina amin vola voahodina, ny fanamboarana fotodrafitr asa eto hanaovana sûr facturation azo ambara ho anareo tsy mahalala, bois de rose sy volamena manginy fotsiny, lasa rano avokoa amin'izao fitondrana Rajoelina izao.

RNFHM

Nampahafantatra ny zon'ny vehivavy manana fahasembanana ho an'ny mpikambana

F anazavana sy fampahafantarana ny zon'ny vehivavy sy ny zon'ny vehivavy manana fahasembanana, no nisongadina tetsy amin'ny lvo-toeran'ny RNFHM etsy Behoririka, nandritra ny fivoriana nataon'ireo fikambanam-behivavy manana fahasembanana eto Madagasikara. Nilaza Ramatoa Razaka Ralphine filohan'ny RNFHM, fa teboka 3 no niarahana nifanakalo hevitra nandritra ny fihaonana voalohany : ny fanentanana sy fanamafisana ny fampiasana ny fandrandram-piterahana, faharoa nandinika ny anjara toeran'ny tendry tanana ho an'ny vehivavy ny mpikambana ary ny fahatelo farany dia ny famelabelarana mikasika ny anjara toeran'ny vehivavy manana ny fahasembanana miatrika ny asa fanolana. Nanohy fanazavana ny filohan'ny RNFHM, fa nisy ihany koa ny fijoroana vavolombelona sy ny fifanakalozan-kevitra narahana torohevitra sy toromarika ho an'ny vehivavy mpikambana manoloana an'izay trangana herisetra sy fanolanana izay. Marihina fa hetsika iray nentin'ny fikambanana nanamarihana ny andro iraisampirenena ho an'ny vehivavy ity fihaonana ity, izay



Ny fivoriana nataon'ireo vehivavy manana fahasembanana eto Madagasikara.

nahitana fikambanam-behivavy manana fahasembanana miiisa 2 : ao anatin'izany ny RNFHM (Réseau national des femmes handicapées à Madagascar), sy ny « Association des femmes handicapées à Madagascar », ho fanamarihana ny andro iraisampirenena ho an'ny vehivavy eto Madagasikara.

Franck Razakambelo

Miakatra ny mararin'ny coronavirus

Ahiana hiverina amin'ny fihibohana isika

Manoloana ny fidangan'ny olona tratry ny aretina coronavirus eto Madagasikara ankehitriny, dia ahiana hiverina amin'ny fihibohana indray isika malagasy. Tsy eto Analaman-gasy ihany fa hatrany Mahajanga dia mitombo ireo olona mararin'ny aretina coronavirus ary misedra fahasahiranana ny mpoina any an-toerana ankehitriny. Mitaraina arak'izany ny mponina any an-toerana ary manaitra ny fitondram-panjakana mba hijery akaiky ny momba ity tranga any Mahajanga ity. Hita soritra tokoa mantsy fa manomboka tsy manaja ny toromarika amin'ny fiarovana ity aretina ity intsony ny maro ankehitriny toy ny fanovanana aro vava orona, ny

fampiasana ny gel d'insectant, sns... manginy fotsiny ireo taxibe mbola misy mampiasa ny seza afovoany ihany na dia efa voarara aza ny fampiasana azy ireny. Hita efa manomboka mikoropaka ny fanjakana ankehitriny manoloana ny fidangan'ny olona mararin'ny coronavirus ity.

Ny Valosoa

Polyteknika Vontovorona

Mafana indray ny toe-draharaha noho ny resaka vatsim-pianarana

Mafana indray amin'izao fotoana ny toe-draharaha eny amin'ny Polyteknika Vontovorona, noho ny resaka vatsim-pianarana tsy voalao. Nitohy indray ny fitakian'ireo mpianatra eny amin'ny Sekoly ambonny Polyteknika, na ny ESPA Vontovorona hatramin'ny alakamisy teo. Ny anton'izao fitokonana izao dia mitaky ny vatsim-pianarana 4 volana sy ny fampitaovana, satria tsy tanteraka ny teny nampantantain'ny Minisiteran'ny fampianarana ambony sy ny fikarohana ara-tsiansa, mahakasika ny fivoahan'ny "calendrier de bourse 4 mois", na ny tetiandron'ny hamoahana ny vatsim-pianarana 4 volana, taorian'ny fahavitan'ny "digitalisation" raha ny nambaran'ireo mpianatra. Nanome 24 ora ny tompon'andriakitra ireo mpianatra, ka raha tsy voavalany ny fan-gatahany dia manambara izy ireo fa hiverina hidina eny an-dalambe indray. Raha tsiahivina dia ta-

min'ny fiandohan'ny volana martsa ity no nivoaka ny tetiandro fizarana ny vatsim-pianarana 1 volana miampy fampitaovana, saingy tsy nahafaly ireo mpianatra. Teo anatrehan'izany dia niato ny fitokonana nanomboka ny 4 martsa lasa teo, fa izao izy mitohy izao indray. Tena fitondrana tsy mahavaha olana hoy ny mpanandinika raharaha politika, sy fiainam-pirenena amin'ny ankapobeny.

Niaina



Mpiandry raharaha

PHARMACIES DE GARDE
06/03/2021 hatramin'ny
1303/2021

- FANOMEZANTSOA
(Ambondrona), 020 22
286 85

- ANKAZOMANGA (Anka-
zomanga), 020 23 302
68, 020 26 040 08, 034
12 714 17

- MAEVASOA (Enceinte
Imm. Castello Anosizato),
034 39 186 69

- ANKAZOTOKANA (à
600 m du Score Jumbo
vers Ambanidia), 020 22
354 42

- RAZAFIMANDRANTO
(Analakely en face Espla-
nade Pavillons), 020 22
234 04, 032 62 794 60

HJRA (urgences) :
033 11 890 58 /
22 279 79

HOMI Soavinandriana :
22 397 51

Hopitaly Befelatanana :
22 223 84 / 22 6 N72 21

Hopitaly
Loterana Ambohibao :
22 441 88 / 22 485 17

Clinique des Soeurs
Ankadifotsy : 22 235 54

Ambulances municipales :
22 200 40

Jirama:
Telma : (22)3547 (n° vert) /
Airtel : 03 35 47 /
Orange : 032 32 3547

Pompiers :
Tél : 118/ 22 250 18/
22 225 66

Police :
Hôtel Central de Police :
17 / 22 227 35 / 22 357 09

1° Arrondissement
Tsaralalàna : 22 280 54
2° Ambanidia : 22 309 46
3° Antaninandro : 22 291 30
4° Isotry : 22 280 51
5° Mahamasina : 22 280 48
6° Ambohimarina :
22 225 52
7° 67 Ha : 22 291 29
8° Analamahitsy : 22 493 25
Brigade criminelle :
22 216 78 / 22 210 29 /
22 674 83 na 84

GIR : 22 227 35

Gazetim-baovao miseho
intelo
isan-kerinandro
Vidiny: 300 Ar
Adiresy: lot T 70 Ankadindratombo

TALEN'NY FAMOAHANA :
Rahelisoa A.
034 79 07600

MPANAO GAZETY

Politika:
Isambilo: 033 24 783 65
Rajo: 033 80 022 53
Andry Tsiavalona 032 07 744 55

Toe-karena :
Aly : 033 18 382 88

Kolontsaina:
Aris: 034 17 460 53
Beharo : 032 02 557 89

Fanatanyahantena:
Lita: 033 41 557 69

Mailaka:
gvalosoa@yahoo.com
NATONTAN'NY
Imprimerie de la RN7

Fametrana 1139-03-2021
Isan'ny natonta: 10 000

Tsy azo adika, na alain-tahaka, na
antsaina ampahibemaso
raha tsy ahazoana alalana vita
soratanana avy amin'ny
tompony

CTM - USAID HAY TAO

**Hiara mientana ho fampivoarana ny fizahan-
tany sy ny fiarovana ny tontolo iainana**

Nanatanteraka fifa-
narahana fanao-
van-tsonia fiaraha
miasa tetsy amin'ny Hotel
Louvre Antaninarenina ny
Alakamisy tolakandro teo
ny Ctm (Confederacion du
tourisme à Madagascar)
sy ny fandaharan'asa
Usaid Haytao, ho fampiro-
boroboana sy fametra-
hana fizahan-tany mahari-
tra eto Madagasikara
amin'ny alalan'ny fiarova-
na ny "Biodiversité".
Mba ahafahana manatan-
teraka an'izany dia hisy
ny fanentanana an'ireo
mpikambana eo anivon'
ny Ctm sy ny mpanandraha-
raha eo amin'ny sehatry
ny fizahan-tany ary ireo
vondron'olona ifotony ma-
nerana ny nosy mba han-
dray andraikitra. Ho fa-
metrahana fizahan-tany
maharitra ary mifanin-
dran-dalàna amin'izany
dia hisy ny fandraisana fe-
petra hentitra ho fiarova-
na ny tontolo iainana.
Ankoatra izay, dia hitady
ny fomba rehetra mba
ahafahana mampihena
ny voka-dratsy ateraky ny
fizahan-tany, indrindra
amin'ny fandrohana ny



otrik'arena eto Madagasi-
kara ny mpisehatra, ary
ny farany dia hatao mo-
dely ny resaka fizahan-
tany eto Madagasikara
amin'ny alalan'ny fana-
tanterahana ezaka tsara
avy amin'ny mpikambana
ao amin'ny Ctm. Manana
anjara toerany eo amin'ny
fampivoarana ny toe-ka-
renan' i Madagasikara ny
sehatrin'ny fizahan-tany
satria mampiditra 10%
Pib eto amin'ny firenena
ity farany ary miantoka
asa mivantana miisa
44000. Mampiakatra ny
sandam-bola Ariary amin'
ny alalan'ny fampidira-
mbola vahiny ny fizahan-
tany. Mifandray tanteraka
ny tontolo iainana sy ny fi-
zahan-tany eto Madagasi-

kara satria mahasarika
an'ireo mpizahan-tany va-
hiny tonga eto Madagasi-
kara ny fisian'ireo kara-
zam-biby sy zavamaniry
tsy fahita raha tsy eto Ma-
dagasikara. Tsihivina fa
ny Ctm dia vondron'ny fi-
kambanan'ny mpandra-
haraha misehatra amin'ny
tontolon'ny fizahan-tany
izay miisa 90 ahitana
orin'asa 600. Ny CTM no
misolon-tena ny vondrona
amin'ny fampiraharana
eo amin'ny fitondram-
panjakana sy ny mpiara
miombon'antoka ary
mpampiasa vola, ho fa-
natsaràhà ny tontolon'ny
fandraharàhana eo amin'
ny resaka fizahan-tany.

Franck Razakambelo

Zaridaina Antaninarenina

**Fahombiazana ny Tsenaben'ny
Fizahantany andiany faha-2**

Nifarana omaly tetsy amin'ny zaridaina Antaninarenina ny Tsenaben'ny Fizahantany andiany faha-2, rehefa naharitra hateloana, izay nokarakarain'ny ONTM, na ny Ofisim-pirenena momba ny Fizahantany eto Madagasikara. Fampiroboroboana ny fizahantany anatin'ny eto amintsika ny tanjona tamin'izao hetsika izao, ho fanetsehana indray koa ireo mpanandraharaha eo amin'ity sehatra ity, satria tena voa mafy izy ireo hatramin'izao, noho ny valanaretina coronavirus, mbola mikatona ny sisintanin'i Madagasikara. Noho izay antony izay vitsy, na azo lazaina tsy misy mihitsy ireo mpizahatany vahiny tonga eto amintsika. Niantraika mafy tamin'ity sehatra ara-toekarena ity izany, mahatratra hatramin'ny 80% amin'izao fotoana ny trano fandraisam-bahiny mikatona manerana ny Nosy, izany hoe trano fandraisam-bahiny 4 amin'ny 5 no nikatona vokatry ny valanaretina. Anisan'ny nikarakarana ny hetsika natao tamin'ity herinandro ity, ho fampivoarana ny fizahantany anatin'ny, satria hatramin'izao mbola tsy misy fanantenana ny mahakasika ny fizahantany avy any ivelany.



Ny Tsenaben'ny Fizahantany, tetsy amin'ny zaridaina Antaninarenina.

BEHARO

Teny tondro (Ny Valosoa Vaovao) N° 340

BL = Bory Loha
BR = Bory Rambo
MIV = Mivadika
MIK = Mikorontana

Misy ny teny Malagasy ofisialy sy ny tenim-paritra

Ohatra : Valy = Vady

Valiny Teny Tondro (0339)

Mitsivalana
- Tra – Tamy
(miv)
- Mpanjifa
- Naoty
- Ntaolo
- Ray (miv) –
Aiza

Mitsangana
- Jolay
- Mioty (miv)
- Tareh(y)
- Fy – Zaza
- Anarana
- Mator(y)
- Nao – Ri (miv)

TENY MIFANAPAKA N° 340

	A	B	D	E	F	G	H	I	J	K
1										
2										
3										
4										
5										
6										
7										
8										
9										
10										

Mitsivalana

1. Johary **2.** Potika (miv) – Tsara masaka **3.** Ony **4.** Tia, iry – Vola – Tsy hita popoka (BR) **5.** Seza lava – Tovona **6.** Mitsahatra (miv) **7.** Aro moka (miv) – Ndeha hianatra izahay **8.** Niandry **9.** Isanany **10.** Tampisaka – Tao

Mitsangana

A. Tanimboly **B.** Ajanonay **D.** Sambon-danitra **E.** Foto-tsakafon'ny (BL) – Tsofoka – Kila **F.** Mpanjaka **G.** Misahana ny jiro sy rano (miv) – Mpanondro manoloetra **H.** Laoka (BR) – Ranomasina – Mpanoritra **I.** Mao (miv) – Tsy miteny **J.** Enti-milaza – Matanjaka **K.** Harena mandany harena

Valiny Teny mifanaraka 0339

Mitsivalana

1. Fandrama **2.** Idirana - (Ran(o) **3.** Rà - Harona **4.** Alitara - TT **5.** Nanome - Ar **6.** Ampondra **7.** OM - Pi - Aia **8.** Avotanay **9.** Eso - Soa - No **10.** Roapolo - Al(a)


Mitsangana

A Firango - Re (miv) **B.** Adala - Maso **D.** Ni - Ina - Voa **E.** Dr - Tompo **F.** Ra - hampitso **G.** Anareo - Loa (miv) **H.** Mara - Nanao **I.** Dia Ji. (T)antana **K.** Anatra - Lo (miv)

LOMANO : HETSIKA "VIVE L'AVENIR"

Ho tanterahina manomboka anio ny andiany faha-10

Toy ny fanaony isantaona dia hikaraka ny fifaninanana lomanon "Vive l'Avenir" indray ny SMCM na "As St Michel Club Natation" ka ny andiany faha-10 amin'ny hetsika no ho tanterahina etsy amin'ny dobo filomanosan'ny ESCA Antanimena manomboka anio asabotsy 13 sy rahampitso alahady 14 martsa 2021. Ligim-paritry ny taranja lomanon eto Madagasikara miisa 5 ahitana klioba 11 ary mpilomano 300 isa mahery no handray anjara amin'ny fifaninanana izay hamoahana mpilomano mendrika indrindra miisa 4 amin'ny sokajy "minime" sy "benjamin". Azo eritretrina ihany koa, hoy ny mpikarakara, ny hama-



"Vive l'Avenir" andiany taloha.

kian'ny "équipe de relais" "record" anio asabotsy. Taorian'izany niatoana elaela ihany noho ny fihakany ny tsimokaretina covid-19 izay, hoy hatrany ny mpikarakara, dia natao ihany koa ity fifaninanana ity mba hampihonana indray ny fianakavian'ny taranja lomanon Malagasy.

Rainilita

Combat de défi Kick Boxing

Hangotraka ny Lapan'ny fanatanjahantena rahampitso

Tsy azo hihodivirana fa hangotra indray ny etsy amin'ny Lapan'ny fanatanjahantena Mahamasina rahampitso alahady 14 martsa 2021, handray ny hetsika haiady karakara-ny ligin'ny Kick Boxing Analamanga tarihan'ny filohany, Rakoto Mino Harifetra, miaraka amin'ny tohan'ny mpiaramiobon'antoka aminy dia ny FFAM na « Force Féminine d'Aide Mutuelle » tarihan-dRtoaMisah filohany. Efa masaka tsara ny fikarakara ny hetsika araka ny fanamarihan'izy ireo, izay ho ezahina hanomezana fahafahampon'ny mpitia haiady rehetra eto Antananarivo sy ny manodidina, ka ady mahatratra 27 isa no ho tanterahina misesy amin'

izany. Handray anjara avokoa ireo sangany ankehitriny eo amin'ity taranja ity avy any amin'ny seksiona 4 ny kick boxing misy eto Analamanga. Mariha fa ho maimaim-poana fa tsy hisy vidim-pidirana rahampitso amin'ny fanatrehana an'ity hetsika ity izay hanomboka amin'ny 9 ora maraina. Mbola marihana ihany koa fa sady ho fanokafana ofisialy ny taom-pialalaoavana 2021 hoan'ny kick Boxing eto Analamanga ity hetsika ity no hifantenana ihany koa an'ireo mpikatroka hisolontena an'Analamanga any amin'ny fifaninanana-pirenena ho tanterahina any Fianarantsoa amin'ny faran'ity volana martsa ity.

Rainilita



MADAGASCAR

Lettre ouverte à la communauté internationale

Violations graves des droits de l'homme - Arrestations arbitraires

Madame, Monsieur,

Nous souhaitons attirer votre attention sur les intimidations à l'adresse de la population et les répressions massives et systématiques des opposants mais aussi des supposés opposants au régime d'Andry Rajoelina.

En effet, le 20 février 2021, les autorités ont procédé à 12 arrestations arbitraires (basées sur de banales accusations) de simples citoyens et ce, au mépris total de la loi qui impose la délivrance préalable de mandat d'arrêt. Le seul motif d'arrestation est le fait d'être venus en ville habillés en rouge, couleur de l'opposition. Précisons que ce jour, les autorités s'attendaient à une manifestation de l'opposition qui, finalement, n'a pas eu lieu.

En outre, le droit élémentaire des prévenus n'a pas été respecté par les autorités, à savoir :

- celui de disposer d'un avocat commis d'office pour ceux qui n'ont pas les moyens d'en procurer ;
- Celui d'être informé des charges qui pèsent contre eux.

A la lumière des faits précités, le gouvernement se comporte comme une véritable machine à intimider et menace toute tenue de manifestation pacifique de façon systématique.

En outre, force est de préciser que le jeudi 18 février 2021, une manifestation pacifique d'étudiants de l'Université de Toamasina, fortement réprimée à balles réelles par des éléments de force de l'ordre, s'est soldée par le décès d'un jeune étudiant de 23 ans et cinq autres blessés.

Aussi, nous demandons à la communauté internationale de contraindre ce gouvernement à :

- arrêter immédiatement tout acte d'intimidation et de répression des citoyens;
- respecter les droits fondamentaux dans une démocratie;
- garantir le respect de la liberté d'expression et celui des droits civiques et politiques de tous les citoyens;
- prendre des mesures concrètes pour permettre aux citoyens de prendre part aux manifestations pacifiques.

GTT INTERNATIONAL GENEVE – Collectif des Patriotes Malagasy
15, rue des Savoises
1205 Genève - CH

collectifgtt@gmail.com
<http://gtt-international.blogspot.com/>



RMDM Diaspora

FILAZANA

Voapetraka androany alakamisy 11 martsa 2021 teny amin'ny Fitsarana Avon'ny Lalam-panorenana ny fitakiana ny fanafoanana ny fifidianana filoham-mpirenena tamin'ny taona 2018.

Tamin'ny anaran'i Ramatoa Fanirisoa ERNAIVO, filohan'ny fikambanana ADM (Association pour le Droit et Développement de Madagascar) sy ny RMDM Diaspora no nanaovana izany fangatahana izany.

Ramatoa Fanirisoa Ernaivo dia maneho fankasitrahana tanteraka ny antoko TIM sy HVM tamin'ny nanomezan'izy ireo ny antontan-taratasy nentina nanaporofoina ny hala-bato tamin'ny 2018 ary koa ireo taitra nataon'ny vaomiera misahana ny fanadihadiana tao amin'ny antenimieran-doholona tamin'ny 2021 mahakasika ny "doublons" ka nahafahana nanamafy ny fangatahana.

Ireo antoko mpanohitra dia hanara-maso akaiky ny fizotry ny raharaha sy ny valin'ny fangatahana natao.

COMMUNIQUE

Ce jour, jeudi 11 mars 2021, une requête en annulation des élections présidentielles de 2018 a été déposée auprès de la HCC, par Mme Fanirisoa Ernaivo candidate à l'élection présidentielle de 2018 présidente de l'association ADM et du RMDM Diaspora.

Madame Fanirisoa Ernaivo tient à présenter ses vifs remerciements au TIM et HVM qui lui ont respectivement fourni les documents d'investigation des fraudes électorales de 2018 et le rapport de la commission d'enquête sénatoriale 2021 sur les doublons, lui ayant permis de constituer et étayer sa demande.

Les partis d'opposition ne manqueront pas de scruter attentivement la suite qui va être donnée à cette requête.